

Tipsernermit lottornermillu iluanaarutinit agguaassisarneq pillugu inatsisartut inatsisisaattut siunnersuummut nassuiaatit.

Nalinginnaasumik nassuiaatit:

Tumuliaqutaa.

Pinnguaatit, eqqorniaasitsinerit eqquniunnerillu ilaat pillugit inatsisip nr. 438, 26. juni 1998-imeersup folketingimit akuersissutigineqarneratigut ulloq 1. juli 1998 aallarnerfigalugu tipsernermit lottornermillu iluanaarutinit aalajangersimasumik annertussusilikkanik Kalaallit Nunaat pissarsiaqartinneqartalerpoq. Inatsimmik allannguinerup tamatumunnga peqatigitillugu nassataraa tamanna pillugu immikkut isumaqatigiissuteqaqqaarani Kalaallit Nunaata aningaasaateqarfinit il.il., tipsernermit lottornermillu iluanaarutinit aqutaqartunit, tapiiffigineqarnissamik qinnuteqaateqarsinnaajunnaarnera

Aalajangersakkat ullumikkut atuarneqarsinnaapput inatsimmik nalunaarummi nr. 110, 22. februar 1999-imeersumi.

Ukiumoortumik sinneqartoorutit 1.250 mio. kr.-it tungaanoortut, naalagaaffimmut akiliutit, eqqukkanut aqutsinermullu aningaasartuutit, toqqortat iluanaarutisiarititassallu akilerneqareerpata, aalajangersimasumik annertussusilikkat pissarsiaritinneqartussat 0,9%-eraat. Pissarsiaritinneqartussat annertussusaat naapertuuppoq Kalaallit Nunaanni kaaviiartitanut aamma Tipstjernerstip ukiumut naatsorsuiffimmut 1997/98 kaaviiartitassatut tamarmiusutut ilimagisaanut, 1999-ilu eqqarsaatigalugu 11,8 mio. kr.-iullutik.

Kalaallit Nunaannut pissarsiaritinneqartussat qaammatit pingasukkaarlugit Namminersornerulutik Oqartussanut agguaasseqqinnissamik isumaginnittussanut akilerneqartarput.

Taaneqareersutut Danmarkimi aningaasaateqarfiit il.il. tipsernermit lottornermillu iluanaarutinit agguaassisartut immikkut isumaqatigiissuteqarnikkut tapersiinissaat isumaqatigiissutigineqarsinnaavoq. Inatsimmik allannguinermut nassuiaatit naapertorlugit taamatut aatsaat isumaqatigiissuteqartoqarsinnaavoq Kalaallit Nunaat aningaasanik tuniseqataappat. Naalakkersuisut Lokale- og Anlægsfonden taamatut isumaqatigiissuteqarfigereersimavaat, tamatumalu nassataraa Kalaallit Nunaata ukiumut 700.000 kr.-inik tuniseqataasarnera.

Lokale- og Anlægsfonden kulturi timersornerlu siunertaralugit sanaartukkanut, illussanik

titartaasarnermi nutaaliornermik nassataqartunik aammalu meeqqanit inuusuttunillu atorneqarsinnaasussanut, atuisunit sunniuteqaqataaffiusussanut kiisalu avatangiisinut pilersaarusiornermullu tunngasutigut eqqarsaatigilluakkanut siunissamilu atorneqarsinnaasussanut, aningaasanik tapiissuteqartarpoq.

Isumaqatigiissut malillugu Lokale- og Anlægsfondimut ileqqoreqqusat naapertorlugit Kalaallit Nunaanni peqatigiiffinnut inuiaqatigiinnilu allanut suli tapiissuteqartoqarsinnaavoq. Lokale- og Anlægsfonden maannamut Kalaallit Nunaanni sanaartornermut annertuumik tapersiisarpoq. Isumaqatigiissuteqaateqarfiusinnaasut tamanut iluaqutaasussanik siunertaqartut allat isumaqatigiissuteqarfiginissaat eqqarsaatigineqarsinnaavoq.

Siunnersuutip imarisai pillugit.

Pinnguaatit ilaat, eqqorniaasitsinerit ajugaaniuttarnerillu pillugit inatsimmi aalajangerneqarpoq tipsernermit lottornermillu iluanaarutinit Kalaallit Nunaannut pissarsiaritineqartut tamanut iluaqutaasumik siunertaqartunut atorneqassasut.

Kiisalu inatsimmi atuarneqarsinnaavoq suliniaqatigiiffinnut nammineersunut aningaasat agguanneqartut naatsorsuusiorneqarnissaat kukkunersiorneqartarnissaallu pillugit maleruagassat erseqqinnerusut Namminersornerullutik Oqartussanit aalajangersarneqassasut. Tamanna pillugu siunnersuutip § 2-ani imm. 4 aamma kap. 3 innersuutigineqassapput.

Tipsernermit lottornermillu iluanaarutinit agguaassisarneq pillugu inatsisartut inatsisissaannut siunnersuut manna killiliussat Folketingimit akuersissutigineqarsimasut iluini ilusiligaavoq.

Inatsisartut inatsisaatigut siunertaavoq tipsernermit lottornermillu iluanaarutit suliniutinut tamanut iluaqutaasumik siunertaqartunut agguaariaatsit naalakkersuinikkut aalajangiunneqartut ersarissut aallaavigalugit agguanneqartarnissaat aammalu qularnaassallugu aningaasat siunertanut taakkununga atorneqarnissaat. Taamaattumik inatsisartut inatsisaat ilusiligaavoq sinaakku-siussatut inatsisitut, taanna malitseqartinneqassalluni aalajangersakkanik sukumiinerusunik.

Tamanna tunuliaqutaralugu siunnersuutigineqarpoq ukiumoortumik aningaasartai agguanneqassasut aalajangersimasumik %-ilerlugit timersornermut, pimoorullugu timersortartunut meeqqat inuusuttullu suliniuteqarfigineqarnerannut aammalu tamanut iluaqutaasumik siunertanut allanut. Procentinik immikkoortunut sisamanut taaneqartunut agguaassinerit aalajangersarneqartut Naalakkersuisunit 1. juli 1998-imili allaffissornikkut aqutsinikkut aalajangersakkanut naapertuupput.

Timersornermut immikkoortitat tipsernermit iluanaarutit 59,1 %-eraat, tassalu 1999-imi akit malillugit 6,5 mio. kr.-inut naapertuuttut. 1. juli 1998 siornanut, timersornerup aningaasartai katillutik tipsernermit lottornermillu iluanaarutit 40,7 %-iinnaagallarnerannut naleqqiullugu qaffariarneruvoq. Qaffaanermut pingaartumik pissutaapput innarluutillit utoqqaallu timersornis-saat aningaasat taakku iluini qularnaarneqartussaammat aammalu pimoorullugu timersortartut amerlanerusunik aningaasaliiffigineqarnissaat, ilaatigut angallannermut aningaasartuutit anner-tungaatsiarnerat pissutigalugu.

Siunnersuutigineqarpoq kikkunnulluunniit timersornermut pisassarititat 50 %-iusut Kalaallit Nunaanni Timersoqatigiiffiit Kattuffiannit aqunneqassasut, kiisalu timersortartunut piukkun-naatilinnut pikkorinnernullu pisassarititat 9,1 %-ii Team Grønlandimit aqunneqassasut. Nuna tamakkerlugu kattuffiit taakku taaneqartut aningaasanik aqutsinissaat siunnersuut malillugu inatsisartut inatsisaannit taannalu malillugu maleruagassatut aalajangersakkanit pituttugaassaaq.

Meeqqat inuusuttullu pillugit siunertanut aningaasaliissutit 13,6 %-iusut 1. juli 1998 sioqqullu-gutulli atsigiinnarpoq tamanullu iluaqutaasussamik siunertanut allanut aningaasaliissutit 27,3 %-iusut nutaajullutik, tassami taassuma tamanut iluaqutaasussamik siunertanut allanut assi-giingitsunut pisassarititat taarsermagit.

Meeqqat inuusuttullu pillugit siunertanut aningaasaliissutit kiisalu tamanut iluaqutaasussamik siunertanut allanut aningaasaliissutit maannakkumutut Naalakkersuisunit allaffissornikkut aqunneqaannarnissaat siunnersuutigineqarpoq.

Tapiissutinik agguaaassisarnermut atatillugu ataqatigiissaarisoqarnissaa qularnaarniarlugu aqutsi-nissaq pisorta qarfirmmit maannakkumut aqutsisuusumit ingerlanneqassasoq tunngavissaatinne-qarpoq. Susasaqarfinnut agguataarineq naapertorlugu Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfiup suliassamik isumaginnittuunissaa naaper-tuunneruvoq.

Siunnersuutip kapitaliisa pingajuata imarai tapiiffigineqarnissamut patsisissaatitaasut. Kattuffiit il.il. tapiiffigineqarnissaminnik kissaatigisaqartut malugisariaqarpaat tapiissutisitinneqarner-minnut atatillugu paasissutissiisussaataitanerminnik, naatsorsuusiortussaataitanerminnik il.il. suli piumasqaateqarfugamik aammalu tapiissutit utertillugit akileqquneqarsinnaammata tapiiffigineqarnissamut tunngavissaatitaasut peqanngippata (peerussimappata).

Siunnersuutigineqarpoq arlaannaannulluunniit atanngitsumik suleqatigiissitaliamik pilersitsiso-qassasoq, tassani ilaasortat toqqarneqassallutik naalakkersuisunut ilaasortaatanit susasaqarfii tamanut iluaqutaasussamik siunertanut siunnersuummi taaneqartunut susasaqarfiginittunit.

Tipsernermit iluanaarutit pillugit maleruagassiisartussatut suleqatigiissitaliaq allaffissornikkut aqutsinermut, kukkunersiuinermut naatsorsuuserinermullu tunngasunik aalajangersaanermut, kiisalu tapiissutisinissamut piumasqaataasunut atatillugu Naalakkersuisunut siunnersuisuullutillu inassuteqartassaaq.

Siunnersuutip aningaasatigut allaffissornikkullu kingunerisassai.

Siunnersuut suliarineqarpoq Nunatta karsianut aningaasartuutaananilu iluanaarutaasussaanngit-sutut, tassa allaffissornermut aningaasartuutit danskillu aningaasaateqarfiinik tipserluni lottorlunilu iluanaarutininik agguaassisartunik isumaqatigiissuteqarnermi tapiissutaasinnaasut Tipstjenestep sinneqartoorutaani Namminersornerullutik Oqartussat pissarsiaannit tamarmiusunit ilanngaataareertassammata. Taamaalilluni siunnersuummik akuersissuteqarnerup allaffissornikkut aqutsinermut aningaasartuuteqarnerulemnessaq nassatarissanngilaa.

Tusarniaaneq:

Siunnersuut tusarniaatigineqarsimavoq ukununnga:

Timersoqatigiit Kattuffiat, Team Grønland, Timersorneq pillugu Siunnersuisoqatigiit, Sorlak, Inatsisileriffik, Aningaasaqarnermut Pisorta qarfik, Isumaginninnermut Suliffeqarnermullu Pisorta qarfik, Peqqinnissamut Pisorta qarfik aamma Avatangiisinut Pinngortitamullu Pisorta qarfik.

Aalajangersakkanut ataasiakkaanut nassuiaatit.

§ 1-imut)

Pinnguaatit ilaat, eqquiniaasitsinerit ajugaaniuttarnerlu pillugit inatsit assigalugu siunnersuutip § 1-iatigut siunniunneqarpoq aalajangersagaq aningaasartuutaananilu iluanaarutaassanngitsoq, tassa allaffissornermut aningaasartuutit danskillu aningaasaateqarfiinik tipserluni lottorlunilu iluanaarutininik agguaassisartunik isumaqatigiissuteqarnermi tapiissutaasinnaasut Tipstjenestep sinneqartoorutaani Namminersornerullutik Oqartussat pissarsiaannit tamarmiusunit ilanngaataareertassammata. Aningaasartuutit annertussusissaannut apeqqutaassaaq angallannerup qanoq annertuginissaa, matumanittaaq pingaartumik ilaasortat sumi najugaqarnerat.

Tamanna pillugu pinnguaatit ilaat lottortarnek ajugaaniuttarnerlu pillugit inatsit naapertorlugu piumasqaatigineqartutut aalajangersakkami aalajangersarneqarpoq tipsernermit lottornermillu iluanaarutit taamaallaat tamanut iluaqutaasussamik siunertanut agguaanneqartassasut. Aalajan-

gersakkamut nassuiaatit naapertorlugit Namminersornerullutik Oqartussat iluanaarutit tamanut iluaqutaasussamik siunertanut allanut agguaassisassapput tipserluni lottorlunilu iluanaarutit atorpeqartarfiitulli allatut, tassa timersornermut, meeqqat inuusuttullu pillugit siunertanut kiisalu tamanut iluaqutaasussamik siunertanut allanut, ilaatigut kulturimut tunngasunut, inuit pillugit paasissutissiisarnermut, nappatsaaliuineranut aamma pitsaaliuineranut, inooqatigiinnermut tunngasunik siunertaqartunut, asimiisitsinissanut siunertaqartunut aamma tamanut iluaqutaasussamik siunertanut.

§ 2-mut)

Imm. 1-imi imm. 2-milu aalajangersakkat kinguneraat Kalaallit Nunaanni Timersoqatigiiffiit Kattuffiata aamma Team Grønlandip kikkut tamat timersornissaannut aamma timersortartunut piukkunnaatilinnut pikkorinnernullu atugassanngortitanik agguaassisartuunissaat. Suliassanik suliarinninnerminni tipsernermit lottornermillu iluanaarutit atorpeqarnissaat pillugu inatsisartut inatsisaata inatsillu taanna naapertorlugu aalajangersakkat malinneqarnissaannut pisussaataapput. Matumani pineqartut tassaapput aqutsinissaq, imm. 4 naapertorlugu Naalakkersuisut aalajangersagassaat. Kiisalu pineqarput naatsorsuuserineq kukkunersiuinerlu pillugit § 10, imm. 1, kiisalu tapiiffigitinnissamut piumasaqaataasut pillugit § 12 naapertorlugu Naalakkersuisut aalajangersagassaat. Kiisalu pineqartunut aamma ilaasinnaapput pisortat ingerlatsineranni suliassat suliarineqartarnerat pillugu inatsisartut inatsisaanni aamma pisortat ingerlatsinerat pillugu paasifinneqarsinnaatitaaneq pillugu inatsisartut inatsisaanni maleruagassat atuuttut, tassa taakku pillugit aalajangersakkat Naalakkersuisut aalajangersassagaluarpatigit, tak. inatsisit taakku § 1-ianni imm. 2. Kalaallit Nunaanni Timersoqatigiiffiit Kattuffiata aamma Team Grønlandip aningaasaliussani taakkunani qinnuteqarnertaqanngitsumik agguaassigajunnerupput.

Tamanut iluaqutaasussamik siunertanut allanut atugassanngortitat Naalakkersuisunit aqutsivigineqarput. Aningaasanut timersornermut atugassanngortitanut allaassutigalugu aningaasat taakkununga atugassanngortitat tamatigut qinnuteqaateqartoqareerneratigut agguaanneqartarput.

Kalaallit Nunaanni Timersoqatigiiffiit Kattuffiat aamma Team Grønlandip tipserluni lottorlunilu iluanaarutit allaffissornikkut aqutsinerat Tipsernermit iluanaarutit pillugit maleruagassii-sartussatut suleqatigiissitaliap inassuteqarneratigut Naalakkersuisunit nalunaarusiaasumi aalajangersarneqassaaq.

§ 3-mut)

Aalajangersagaq taanna malillugu isumaqatigiissutaasinnaasut tunngassuteqarput aningaasaateqarfinnik, kattuffinnik il.il., tipsernermit lottornermillu iluanaarutit aqutsisunik tamanullu iluaqutaasussamik siunertanut isumaginnittunik, Danmarkimiittunik isumaqatigiissutinut. Assersuutitut taaneqarsinnaapput Lokale- og Anlægsfonden, Friluftsrådet, Dansk Ungdoms Fællesråd aamma Team Danmark.

§ 4-mut)

Siunnersuutigineqarpoq Tipsernermit iluanaarutit pillugit maleruagassiisartussatut suleqatigiissitaliaq ilaasortalersorneqassasoq Naalakkersuisunut ilaasortat susassa qarfi tamanut iluaqutaasussamik siunertanut susassa qartut sinniisuutitaannit pingaarnertut tapiiffigineqartussanik. Toqqaasinnaatitaaneq matumuuna suliassa qarfiup agguataarnerani allannguutininut qilersorsimajunnaartitaavoq.

Ilaasortaq sinniisuutitarluunniit qinersinerup nalaani tunuarpat ilaasortamik nutaamik sinniisuutitamillu nutaamik naalakkersuisunut ilaasortaq susassa qartoq toqqaassaaq.

Siulittaasup kultureqarnermut naalakkersuisumit toq qarneqarnissaanik siunnersuummut tunuliaqutaavoq tipsernermi lottornermillu isertitat amerlanerpaartaat agguanneqartassammata siunertanut kultureqarnermut naalakkersuisup susassa qarfiisa ataaniittunut, taakkununnga ilaalluni timersorneq.

Siulittaasup inatsisilerinermik ilisimaarinnittuunissaanut piumasaqaat ilanngunneqarpoq allafissornikkut aqutsinermut, kukkunersiuinermut naatsorsuuserinermullu kiisalu tapiissutinik pissarsisinnaanissamut piumasaqaatinut maleruagassanik aalajangersa anermut atatillugu suleqatigiissitaliaq Naalakkersuisunut siunnersuisarlutillu inassuteqartassasut.

Ilaasortat ilaata naatsorsuuserinermik ilisimaarinnittussa aneranik piumasaqaat ilanngunneqarpoq naatsorsuusiornissaq kukkunersiuisoqarnissaalu pillugu maleruagassat aalajangersarneqarnissaannik suleqatigiissitaliaq naalakkersuisunut inassuteqaateqartussaammat.

§ 5-imut)

Taasinerit naligiissagaluarpata siulittaasup taasinerata aalajangiisussa aneranut pissutaavoq suleqatigiissitaliaq ilaasortat amerlassusiata akunnaatsuunerat.

§ 7-mut)

Aalajangersagaq oqaasertalerneqarpoq Inatsisartunut Naalakkersuisunullu il.il. ilaasortat akissarsiaqartitaanerat il.il. pillugit Inatsisartut inatsisissaattut siunnersuutip inatsisartut katersuunerannut matumunnga Inatsisartut siulittaasoqarfiata oqaluuserisassanngortissimasaata akuersissutigineqarnissaa naatsorsuutigalugu. Akissarsiaqartitaaneq pillugu inatsimmut innersuussi nerup malitsigissavaa ilaasortat ullormut ataatsimiiffiusumut ataatsimut ukiumut inatsisartunut ilaasortamut akissarsiaritineqartup 1/365-ianik akissarsiaqassasut taamatullu aamma aalajangiisartutut ataatsimiititaliap ataatsimiinnerinut peqataanermut atatillugu angalanerni ilaasortanut Nuup avataani najugalinnut aningaasartuutininut tapiiffigineqartassasut ullormut akissarsiaqartitaaneq pillugu inatsimmi § 1, nr. 2-mi taaneqartutut tapiissutip 1/365-ianik, taamatullu aamma akiliunneqarlutik angalasassallutik najugaqarlutillu.

§ 8-mut)

Tapiiffigeqquluni qinnuteqartup Kalaallit Nunaanni najugaqartuunissaanik piunasaqaatip ilanngunneqarneranut patsisaavoq qularnaarniarneqarmat tipsernermit lottornermillu iluanaarutinit Kalaallit Nunaata pissarsiaasa maani najugalinnut iluaqutaanissaat tamatumuunalu suliniutit tapersersortariaqartut maani tapersersorneqarnissaat. Taamaaqataanik tipsernermit lottornermillu iluanaarutinit Danmarkip pissarsiaanit taamaallaat qinnuteqartut Danmarkimi najugallit qinnuteqarsinnaapput.

§ 9-mut)

Aalajangersakkakut tapiissuteqarnissamut pissutsinik attuumassuteqartunik assigiinngitsunik piunasaqaateqartoqarsinnaaneranut tunngavissiisoqarpoq. Imm. 2-mi aalajangersakkakut siunertaavoq tapiiffigeqqulluni qinnuteqartup pisortanilu oqartussaasut ilisimassammassuk naalakkersuisut, Kalaallit Nunaanni Timersoqatigiiffiit Kattuffiat aamma Team Grønland suliassamik suliarinninnissaminnut atugassaminnik paasissutissanik naleqquttunik pissarsiniarsinnaanerat.

§ 10-mut)

Aalajangersagaq tapiissutisisunut tamanut atuuppoq, tassa Timersoqatigiit Kattuffiannit Team Grønlandimillu tapiissutisisunut, taaku ataanni tapiissutisisunut kiisalu naalakkersuisunit tapiissutisisunut. Aalajangersakkamut tunngaviuvoq pinnguaatit ilaat, eqquniaasitsinerit ajugaaniunnerillu pillugit inatsimmi § 7B-mi piunasaqaataammat aningaasat suliniaqatigiiffinnut namminersortunut agguanneqartut eqqarsaatigalugit naatsorsuusiortarnissaq kukkunersiuisar-nissarlu pillugit Namminersornerullutik Oqartussat malittarisassiornissaat.

Imm. 2-mi aalajangersakkakut siunertaavoq tapiiffigeqqulluni qinnuteqartup pisortanilu oqartussaasut ilisimassammassuk naalakkersuisut, Kalaallit Nunaanni Timersoqatigiiffiit Kattuffiat aamma Team Grønland suliassamik suliarinninnissaminnut naatsorsuutitut kukkunersiui-nernullu naliliiniernerminnut atugassaminnik paasissutissanik naleqquttunik pissarsiniarsinnaanerat.

§ 11-imut)

Aalajangersakkakut aalajangersarneqarpoq qaqugukut tapiissutaasimasut tamakkiisumik ilaannakortumilluunniit uterteqquneqarsinnaanersut. Naalakkersuisut, Timersoqatigiit Kattuffiat Team Grønlandilu tapiissutinik uterteqqusisusinnaapput.

Tamatumunnga atatillugu erseqqissarneqassaaq aalajangersimasumik suleriaasiummat ingerla-taq sinneqartooruteqarfiuppat tapiissutit ilaat tamarmiusulluunniit uterteqquneqartarlutik.

§ 12-imut)

Aalajangiisartutut suleqatigiissitaliap tapiiffigineqarsinnaanermut tunaartarisassanik sukumii-nerusunik inassuteqartarnissaanut siunnersuuteqarnermut tunngaviuvoq, ataatsimiititaliap taamaaliornissaminut pitsaanerpaanik tunngavissaqarnera nalilerneqarmat.

§ 13-imut)

Piffissaq atortuulersitsivissaq aalajangerneqarpoq qaammatsiutit ukiuata aallartinnerani inatsisip atortuulersinneqarnissaa naleqqunnerpaasorineqarmat.

Imm. 1-imi oqaaseqatigiit aappaanni pingajuannilu aalajangersakkat ima paasineqassapput Tipsernermit iluanaarutit pillugit maleruagassiisartussatut suleqatigiissitaliap pilersinneqarnissaanut Inatsisartunut nutaamik tullianik qinersinissaq utaqqisariaqanngitsaq.